

Bruno, Bischof von Osnabrück, bekundet, daß der Propst von Warlar das Haus in Updorpe, Kspl. Lengerich in Hannover, an Genannte nach Lehensrecht übertragen hat.

Bruno, Dei gratia Osnaburgensis ecclesiae episcopus, omnibus, ad quos praesens scriptum pervenerit, salutem in salutis auctore. Quoniam gesta rerum vetustate temporum quadam oblivionis caligine obfuscantur et nisi litterarum monumentis ad memoriam revocatur, penitus tandem emoriuntur, id circo tam praesentibus quam futuris cupimus palam facere, quod praepositus monasterii in Warlare Monasteriensis diocesis domum in Updorpe cum suis pertinentiis sitam in parochia Langerke super Wallage, quam Johannes dictus de Voss miles et quidem sui progenitores a dicto monasterio diucius quam feliciter minus iuste occuparant, assentes eandem ad se jure hereditario pertinere, Menhardo et fratribus suis de Wilseten in parochia de Plantlunne, qui proprietatem domus praedictae ad se spectare quondam asserebant, ac Svedero filio dicti militis errorem suum ac progenitorum suorum publice recognoscentibus et jus suum, si quod habere videbantur, renunciantibus ipsi Svedero ac duobus filiis, videlicet Joanni et Alardo, jure feudali porrexit; ita videlicet, ut haeredes per legitimam carnis propagationem ab ipso Svedero seu a filiis suis praedictis descendentes jure praedicto

dictis bonis gaudeant, dummodo haeres pro tempore succedens dimidiam marcam usualis monetae praeposito dicti monasterii nomine iuris, quod herede dicitur, dicta bona ab eodem recipiendo persolvat. Si autem dictus Svederus vel sui legitimi haeredes dictam domum casu quocunque vendere voluerint, eandem praeposito et conventui dicti monasterii venalem, antequam aliis exhibentes, pro precio, sicut ab alio emptore habere poterint, si ipsi voluerint, dimittent eisdem. Quod si praepositus et monasterium saepedictum domum praefatam emere noluerint vel non poterint, extunc memorati haeredes ipsam domum libere vendere ac ad alias poterint transferere personas. Hoc quoque insuper adiectum est, quod si quis praefatam domum emerit, recepturus eam de manu praepositi Lohn (!) saepedicti quinque marcas usualis monetae secundum consuetudinem feoda recipientium persolvat eidem. Acta sunt haec Osenbrugge anno Domini M^oCC^o quinquagesimo octavo, mense Maio, praesentibus testibus his subscriptis, quorum haec sunt nomina: Baldwinus maioris ecclesiae nostrae praepositus, Jordanus Maior (statt magister?), magister Gerlacus, Henricus de Monte. Lubertus dictus Vulpes, Henricus de Hervordia, Joannes de Vos canonici ipsius ecclesiae; Gerardus de Warendorpe, Ludolphus Hake, Henricus de Haren, Bernardus de Wederden, Everardus de Damhusen, Pontianus, Bernardus Blome milites et alii quam plures. Ut autem haec testibus